



ქალაქ თბილისის მუნიციპალიტეტის
საკრებულოს წევრის, სარევიზიო კომისიის თავმჯდომარის,
ჩუღურეთის რაიონის მაჟორიტარი დეპუტატის,
რიმა ბერამის
2020 წლის ანგარიში

საქართველოს ორგანული კანონის „ადგილობრივი თვითმმართველობის კოდექსის“ 88-ე მუხლის თანახმად, წარმოგიდგენთ ანგარიშს ჩემს მიერ გაწეული მუშაობის შესახებ.

2014 წლის ივლისიდან ვარ ქ. თბილისის მუნიციპალიტეტის საკრებულოს წევრი, ჩუღურეთის რაიონის მაჟორიტარი დეპუტატი. 2017 წლის 15 ნოემბრიდან ამავდროულად ვარ სარევიზიო კომისიის თავმჯდომარე, ქონების მართვისა და საფინანსო-საბიუჯეტო კომისიის, ფრაქცია „ქართული ოცნება-დემოკრატიული საქართველოს“ და გენდერული საბჭოს წევრი.

ქალაქ თბილისის მუნიციპალიტეტის საკრებულოს სხდომებში მონაწილეობა:

საქართველოს ორგანული კანონის ადგილობრივი თვითმმართველობის კოდექსის 44-ე, 45-ე, 47-ე მუხლებისა და ქალაქ თბილისის მუნიციპალიტეტის საკრებულოს 2014 წლის 19 ივლისის N2-1 დადგენილებით დამტკიცებული „ქალაქ თბილისის მუნიციპალიტეტის საკრებულოს რეგლამენტი“-ს მე-12-ე, მე-13-ე მუხლების თანახმად, საანგარიშო პერიოდში, როგორც

საკრებულოს წევრმა მონაწილეობა მივიღე: ქალაქ თბილისის მუნიციპალიტეტის საკრებულოს ბიუროს 18 და საკრებულოს 16 სხდომაში, სადაც მიღებულ იქნა საკრებულოს 134 დადგენილება და 388 განკარგულება (განხილული საკითხებისა და დადგენილება/განკარგულების შესახებ ინფორმაცია შეგიძლიათ იხ.თბილისის საკრებულოს ოფიციალურ ვებ-გვერდზე: (www.tbsakrebulo.gov.ge))

სარევიზიო კომისია

ქალაქ თბილისის მუნიციპალიტეტის საკრებულოს 2014 წლის 19 ივლისის №2-1 დადგენილებით, ქ.თბილისის მუნიციპალიტეტის საკრებულოს სარევიზიო კომისიის 2014 წლის 21 ივლისის №3-12 დადგენილებით დამტკიცებული დებულების თანახმად, სარევიზიო კომისიის მიერ 2020 წლის 24 იანვარს, დამტკიცებულ იქნა 2020 წლის სარევიზიო კომისიის სამუშაო გეგმა, რომელის თანახმადაც წლის განმავლობაში კომისია ახორციელებს ქ.თბილისის მუნიციპალიტეტის ორგანოების საფინანსო საქმიანობის შემოწმებას, დასკვნების შედგენას და რეკომენდაციების გაცემას. დამტკიცებული გეგმა მოიცავს 21 შესამოწმებელ ორგანიზაციას მათ შორის, ქ.თბილისის 185 საბავშვო ბაგა-ბაღს შერჩევითი მეთოდით.

სარევიზიო კომისია, სარევიზიო შემოწმებას ახორციელებს სარევიზიო კომისიის სამდივნოს თანამშრომელთა მეშვეობით, რომლებიც თავიანთი კომპეტენციის ფარგლებში ხელმძღვანელობენ ქალაქ თბილისის მუნიციპალიტეტის საკრებულოს 2014 წლის 19 ივლისის №2-1 დადგენილებით, ქ.თბილისის მუნიციპალიტეტის საკრებულოს სარევიზიო კომისიის 2014 წლის 21 ივლისის № 3-12 დადგენილებით დამტკიცებული დებულებისა და საქართველოში მოქმედი კანონმდებლობის თანახმად. ასევე კონკრეტული შემოწმებიდან გამომდინარე, შესაბამის სფეროში მოქმედი საკანონმდებლო და კანონქვემდებარე ნორმატიული აქტების საფუძველზე.

სარევიზიო შემოწმებისას შემოწმების პროცესი მიმდინარეობს ობიექტურად, მიუკერძოებლად და დამოუკიდებლად მასალების ყოველმხრივი შესწავლის საფუძველზე. შემოწმების დასრულების შემდგომ მასალები წარედგინება კომისიას განსახილველად.

შემოწმება-ანალიზის ყველა დასკვნა სარევიზიო კომისიის მიერ განიხილება კომისიის სხდომაზე. (სხდომამდე შემოწმება-ანალიზის დასკვნა გასაცნობად ეგზავნებათ შემოწმებულ

ორგანიზაციებს, რომლებმაც 7 დღის განმავლობაში უნდა წარმოადგინონ თავიანთი მოსაზრებები-შენიშვნები დასკვნის ირგვლივ) სარევიზიო კომისიის სხდომაზე ხმათა უმრავლესობით მიიღება შესაბამისი გადაწყვეტილება დასკვნის შემდგომი რეაგირების თაობაზე.

ქვეყანაში შექმნილი გარემოებებიდან, რომელიც უკავშირდება “COVID – 19”-ით გამოწვეულ პანდემიას, ისევე, როგორც ყველა სახვა სახელმწიფო უწყებები და სტრუქტურები, სარევიზიო კომისიასაც შესაბამისად გადასულია დისტანციურ მართვის რეჟიმზე, რის გამოც კომისიას უწევს შეფერხებით მუშაობა და ვერ ხერხდება, გეგმით გათვალისწინებული სამუშაოების სრულფასოვნად შესრულება.

სარევიზიო კომისიის მიერ საანგარიშო პერიოდში შემოწმდა 8 ორგანიზაცია (მათ შორის: 2019 წლის სამუშაო გეგმით გეგმით გათვალისწინებული 3 ორგანიზაცია და 2020 წლის სამუშაო გეგმით გათვალისწინებული 5 ორგანიზაცია. აქედან 2 ორგანიზაცია განხილვის პროცესშია, ხოლო ერთ ორგანიზაციაში შეჩერებულია შემოწმება), სადაც შემოწმების შედეგად სარევიზიო კომისიის სამდივნოს თანამშრომლების მიერ, შედგენილ იქნა შემოწმება-ანალიზის დასკვნები.

შემოწმებულ ორგანიზაციებზე, შემოწმება-ანალიზის დასკვნიდან გამომდინარე, სხდომაზე მიღებული გადაწყვეტილების შესაბამისად გაცემულ იქნა რეკომენდაციები. ამასთან, შემოწმება-ანალიზის დასკვნები, კომისიის გადაწყვეტილებით, ჩემს მიერ გადაგზავნილ იქნა დამატებითი გამოკვლევისა და შესწავლის მიზნით, ქალაქ თბილისის მუნიციპალიტეტის მერიის შიდა აუდიტისა და მონიტორინგის საქალაქო სამსახურში.

განხორციელებული შემოწმებების შედეგად აღმოჩენილი დარღვევები, ორგანიზაციების მიერ ხშირად არის გათვალისწინებული რეკომენდაციების სახით, რასაც ადასტურებს დასკვნებთან დაკავშირებით შემოწმებული ორგანიზაციების მიერ წარმოდგენილი წერილობითი მოსაზრებები, რაც შემდგომში ისახება მათ გამოსწორებულ საქმიანობაში. ჩვენი რეკომენდაციების საფუძველზე რიგმა სამსახურებმა ნორმატიულ დოკუმენტებში ცვლილებები განახორციელეს, რაც ასევე მეტყველებს კომისიის გამართულ და კოორდინირებულ მუშაობაზე.

სარევიზიო კომისიის მიერ საანგარიშო პერიოდში ჩატარებულ იქნა კომისიის 14 სხდომა, სადაც განხილულ იქნა 28 საკითხი, მათ შორის 7 შემთხვევაში განხილულ იქნა „ქალაქ თბილისის მუნიციპალიტეტის 2020 წლის ბიუჯეტის დამტკიცების შესახებ“ ქალაქ თბილისის

მუნიციპალიტეტის საკრებულოს დადგენილების პროექტი და ერთ შემთხვევაში „ქალაქ თბილისის მუნიციპალიტეტის 2019 წლის ბიუჯეტის შესრულების წლიური ანგარიშის შესახებ“, რასთან დაკავშირებითაც კომისიის სახელით ჩემს მიერ საკრებულოს სხდომაზე განსახილველად წარდგენილ იქნა შესაბამისი დასკვნები.

ასევე კომისიაზე განხილვის შემდგომ საანგარიშო პერიოდში საკრებულოს სხდომაზე სამჯერ (24.01.2020წ. „ქალაქ თბილისის მუნიციპალიტეტის საკრებულოს სარევიზიო კომისიის 2019 წელის 6 თვის მუშაობის ანგარიში“; 3.04.2020წ. „ქალაქ თბილისის მუნიციპალიტეტის საკრებულოს სარევიზიო კომისიის მიერ 2019 წელს შესრულებულ სამუშაოთა წლიური ანგარიში“ და 8.09.2020წ. „ქალაქ თბილისის მუნიციპალიტეტის საკრებულოს სარევიზიო კომისიის 2020 წელის 6 თვის მუშაობის ანგარიში“) წარვადგინე ანგარიში კომისიის გაწეული მუშაობის შესახებ.

ქონების მართვისა და საფინანსო-საბიუჯეტო კომისია

მონაწილეობა მივიღე ქონების მართვისა და საფინანსო-საბიუჯეტო კომისიის 26 სხდომაში, სადაც ჩემს მიერ შესწავლილ და განხილულ იქნა 305 საკითხი.

ფრაქცია „ქართული ოცნება-დემოკრატიული საქართველო“

მონაწილეობა მივიღე ფრაქცია „ქართული ოცნება-დემოკრატიული საქართველოს“ 12 სხდომაში, სადაც განვიხილეთ 15 საკითხი.

საბჭოებში მონაწილეობა

ვარ „ქალაქ თბილისის მუნიციპალიტეტის გენდერული თანასწორობის საბჭოს“ წევრი. საანგარიშო პერიოდში ჩატარდა საბჭოს 4 სხდომა, სადაც განვიხილეთ 11 საკითხი. აქტიურად ვიყავი ჩართული თბილისის მუნიციპალიტეტის საკრებულოს 2018-2020 წლების გენდერული სტრატეგიისა და სამოქმედო გეგმის დოკუმენტის შედგენასა და პრიორიტეტების განსაზღვრაში. ასევე ვარ, სამოქალაქო თანასწორობისა და ინტეგრაციის საკითხებში სახელმწიფო უწყებათაშორისი კომისიის წევრი, სადაც პერმანენტურად ვიკრიბებით დღისწესრიგით გათვალისწინებული

საკითხების განსახილველად. უწყებათაშორისი კომისიის ფარგლებში იმართება სხვადასხვა სახის შეხვედრები, დისკუსიები და კონფერენციები, სადაც თანასწორობისა და ინტეგრაციის საკითხებში გამოწვევებს განვიხილავთ და სტრატეგიაზე ვმუშაობთ.

მოქალაქეთა შეხვედრები და წერილებზე რეაგირებები

საანგარიშო პერიოდში, მოქალაქეთა მიღებაზე ქალაქ თბილისის მუნიციპალიტეტის საკრებულოში, მივიღე და შესაბამისი კონსულტაცია (დახმარება) გავუწიე 150 - მდე მოქალაქეს.

ასევე საანგარიშო პერიოდში, ჩემს მიერ სარევიზიო კომისიის თავმჯდომარის რანგში, ინიცირებულ და რეაგირებულ იქნა 600 - მდე განცხადება-კორექსიონიცია.

მაჟორიტარი დეპუტატის საქმიანობა

მაქვს პატივი, თბილისის მუნიციპალიტეტის საკრებულოს ჩუღურეთის რაიონის მაჟორიტარი დეპუტატის რანგში, წარმოგიდგინოთ ანგარიში გაწეული საქმიანობის შესახებ, 2019 წლის ნოემბრიდან - 2020 წლის ოქტომბრის თვის ჩათვლით.

მოგეხსენებათ, რომ ყოველი კვირის ოთხშაბათი, მოქალაქეთა მიღების დღეა. მიმდინარე პერიოდში, მიმდინარე ეპიდსიტუაციის გათვალისწინებით, წინა წლებთან შედარებით, 25 შეხვედრა გაიმართა და ჯამში 1 200-მდე მოქალაქეს გაეწია შესაბამისი დახმარება და კონსულტაცია.

დეპუტატთან შეხვედრების გარდა, ყოველ სამუშაო დღეს, მუდმივ კომუნიკაციაში ვართ მოქალაქეებთან და დამოუკიდებლად ვაგვარებთ მათ მიერ წამოჭრილ თხოვნებს, რაც ერთი-ორად ზრდის წარმომადგენლობაში მოქალაქეთა მომართვიანობას.

მოქალაქეთა მომართვიანობა ძირითადად შემდეგ საკითხებს ეხება: სოციალურად დაუცველთა ერთიან ბაზაში დარეგისტრირება; სოციალური დახმარება (მედიკამენტები, ერთჯერად ფინანსური, ოპერაციები, სამედიცინო კვლევები, სამშენებლო მასალით უზრუნველყოფა, საცხოვრებელი სახლების გამაგრება-გადახურვა; გზებისა და ეზოების რეაბილიტაცია; მეწყერსაშიში ფერდობების გამაგრება; სანიაღვრე და საკანალიზაციო ქსელების მოწყობა; სკვერებისა და სპორტული მოედნების რეაბილიტაცია და ა. შ.

ჩუღურეთის გამგეობის ხელშეწყობით, საბიუჯეტო ასიგნებათა ფარგლებში, კეთდება მაქსიმალური, რაღა თქმა უნდა, პრობლემის სიმძიმისა და პრიორიტეტების გათვალისწინებით.

ჩვენი წარმომადგენლობა გამოირჩევა უწყვეტი კომუნიკაციით, როგორც ცენტრალურ, ასევე ადგილობრივ ხელისუფლებასთან.

ხშირია ისეთი მომართვები, რომლის შესრულება თბილისის მერიის პრეროგატივაა. მაგალითად - მუნიციპალური ტრანსპორტის დანიშვნა, ტრანსპორტის გრაფიკის გაუმჯობესება, მიმართულების ნიშნების დამონტაჟება, უსაფრთხოების კუნძულების მოწყობა, ზებრა-გადასასვლელების განახლება, ავტომანქანების სიჩქარის შემზღუდველი ბარიერების დამონტაჟება და ა. შ.

2020 წლის საანგარიშო პერიოდში მაჟორიტარის წარმომადგენლობაში შემოსულია 1 100 განცხადება და შესაბამისად გაწეულია ამდენივე შუამდგომლობა.

მათ შორის სოციალური კუთხით:

- მედიკამენტები - 80
- ერთჯერადი ფულადი დახმარება - 698
- ოპერაცია, გამოკვლევა, მკურნალობა - 44 განცხადება
- სამშენებლო მასალით უზრუნველყოფა-135

შემოსული განცხადებების 99% -ი დაკმაყოფილებულია, ჩუღურეთის გამგეობის საბიუჯეტო სახსრებიდან.

ინფრასტრუქტურისა და ბინათმესაკუთრეთა თანადაფინანსების კუთხით - 36 განცხადება.

ჩუღურეთის გამგეობის ინფრასტრუქტურის სამსახურის მიერ, ჩვენი შუამდგომლობის საფუძველზე, 16 მისამართზე განხორციელდა მეწყერსაშიში ფერდობის ბეტონის კონსტრუქციით გამაგრებითი სამუშაოები, რაც ერთობ მნიშვნელოვანია, განსაკუთრებით ზემო ჩუღურეთისათვის დამახასიათებელი ტერასულად განლაგებული ქუჩებისათვის. ამავე სამსახურის მიერ, ძალიან ბევრ ქუჩაზე და საცხოვრებელ ეზოში განახლდა ასფალტის საფარი, მოეწყო ქვაფენილები, ქუჩების დამაკავშირებელი კიბეები, ტროტუარის დამცავი მოაჯირები, განახლდა სკვერები და სპორტული მოედნები.

ხშირია მოქალაქეთა მომართვიანობა საცხოვრებელი სახლების გამაგრების თაობაზე, ბინათმესაკუთრეთა ამხანაგობების მიერ თანადაფინანსების პროგრამის ფარგლებში, რომელსაც დაზიანების სიმძიმის მიხედვით, ეტაპობრივად ვანხორციელებთ.

ხშირია მომართვიანობა სოციალურად დაუცველთა ერთიან ბაზაში რეგისტრაციის თაობაზე, რაზედაც ვანხორციელებთ მონიტორინგს და კანონის შესაბამისად, ჯანდაცვის სამინისტროს ხელშეწყობით, მოქალაქეებს ვუწევთ სათანადო დახმარებას. წელს, აღნიშნულ საკითხთან დაკავშირებით 120-მა მოქალაქემ მოგვმართა და მათგან 56 ბენეფიციარს დაენიშნა სოციალური შემწეობა, ფულადი კომპენსაციით.

მიმდინარე წელს, პანდემიიდან გამომდინარე, სხვადასხვა კომპანიების ხელშეწყობით, 1000-მდე ოჯახს გავუწიეთ საარსებო სასურსათო პროდუქტითა და ჰიგიენური საშუალებებით დახმარება.

გარდა იმისა, რომ ჩვენ წარმომადგენლობაში უწყვეტი კომუნიკაციაა მოქალაქეებთან ურთიერთობის თვალსაზრისით, ხშირია მათთან სახლში სტუმრობაც, სხვადასხვა პრობლემების მოგვარების მიზნით, რომელთაც უჭირთ გადაადგილება.

ჩვენი უპირობო და პირდაპირი მოვალეობაა მოსახლეობაზე ზრუნვა, მათი პრობლემების გათავისება და შესაძლებლობის ფარგლებში მოგვარება.

გარდა ზემოთ ხსენებულისა, მუდმივად ვახორციელებთ რაიონში მიმდინარე ინფრასტრუქტურული სამუშაოების მონიტორინგს და ვცდილობთ მოქალაქეთა ინფორმირებას როგორც რაიონში მიმდინარე და დაგეგმილი პროექტების შესახებ, ასევე იმ სერვისების თაობაზე, რომელსაც მათ ადგილობრივი თვითმმართველობა სთავაზობს.

პატივისცემით,

ქალაქ თბილისის მუნიციპალიტეტის

საკრებულოს წევრი,

სარევიზიო კომისიის თავმჯდომარე,

ჩუღურეთის რაიონის მაჟორიტარი დეპუტატი



რიმა ბერაძე